



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

**Epistolarvm Innocentii III. Romani Pontificis Libri Vndecim**

**Innozenz <III., Papst>**

**Parisiis, 1682**

Aqvilegien. Patriarchae, & Episcopo Ferrarien.

**urn:nbn:de:hbz:466:1-20006**

*AQVILEGIEN. PATRIARCHÆ,  
& Episcopo Ferrarien.*

pius imminere, alia sit Ecclesia necessaria construenda. Cum itaque damnis rerum temporalium sint animarum pericula præferenda, fraternitati tua, de qua indubitatam fiduciam obtinemus, committimus, qualiter sit super his quæ præmissum procedendum: ut si utilitati fidelium noveris expedire, Deum habens præ oculis, sine contradictione cuiuslibet novam valeas Ecclesiam fabricare; provisurus attentiùs, ut concessa tibi non abutaris licentia; ne forte privilegium merearis amittere, si permissa tibi abusus fueris potestate. Datum Laterani IV. Nonas Martij.

*MATTHÆO CENETENSI  
Episcopo.*

**Q**uæ in Ecclesiarum & ecclesiasticorum virorum præjudicium attentantur, firmitatem sortiri non decet, sed ad Ecclesiarum indemnitatem debent potius infirmari. Sanè pervenit ad audienciam nostram quod Tervisin. & Coneglanen. constituendi \* sibi, & utrinam sibi tantum, jurisdictionem temerè usurpantes, impietatem palliant sub nomine pietatis, & dum quibusdam ex alieno gratiam exhibere nituntur, Ecclesis sunt & viris ecclesiasticis onerosi. Constituerunt siquidem, sicut accepimus, quod si quis se ad inopiam vertere probabiliter allegaverit, alienandi feudum quod ab Ecclesia vel aliis tenet, per officiales ad hoc à Tervisinis civibus & Coneglanen. deputatos liberam habeant facultatem, nec emptor priori teneatur domino respondere, nisi tantummodo in sexta parte pretij, quam ipsi, si recipere voluerit, exhibebit. ex quo ecclesiastica non modicūm jura laudentur. Volentes igitur Ecclesiarum indemnitati consulere, & hujusmodi gravaminibus providere, constitutionem hujusmodi & venditiones feudorum ecclesiasticorum factas sine legitimo ecclesiasticarum personarum assensu, occasione constitutionis immo verius destitutionis vel destructionis istius, præsentium auctoritate cassamus, & vires decernimus non habere. Nulli ergo &c. hanc paginam nostræ cassationis &c. Datum Laterani X. Kalend. Aprilis.

**V**tilitas & necessitas dispensationem inducunt, & repentina casus, et si non nova, non tamen usitata remedia nos excogitare compellunt. Sanè cùm apostolica sedes super universis Ecclesiis non humani sed divini munera largitate magisterium suscepit & primatum, & nobis licet in meritis ad ipsius regimen evocatis, super cunctis fidelibus sollicitudo sit credita pastoralis, sic ad eorum statum nos decet aciem apostolicæ provisionis extendere, ut & obviemus violentiæ iniquorum, & \* eo-<sup>f. aliorum</sup>rum necessitatibus consulamus. Accepimus siquidem, venerabili fratre nostro Cenerensi Episcopo intimante, quod Ecclesia Ceneren. & villa in planicie sunt fundata: quas, propter loci debilitatem & raritatem inhabitantium, ab iniquorum incursibus tueri non potest, immo usque adeo incursui exposita sunt hostili, ut nuper villa eadem à Tervisinis destruxta fuerit, & Ecclesia cathedralis cum aliis duabus combusta, altaria diruta & dejecta, nec lieuit relinqui reliquias in solo, altaribus desolatis, nec meruerunt esse Tervisinorum reliquias reliquias martyrum & sanctorum. Ut igitur uno & eodem remedio & malignis malignandi tollamus materiam, & ci- dem Ecclesiæ in necessitatibus consulamus, cùm idem Episcopus Ecclesiam ipsam vel ad castrum Ceneclan. quod populosum dicitur & munitum, vel ad aliam partem ejusdem villæ tutorem de licentia nostra transferre disponat, fraternitati vestra per apostolica scripta mandamus quatenus accedentes ad locum, in castro prædicto, vel in eadem villa Cenete in loco magis munito, prout utilitati ejusdem Ecclesiæ magis videritis expedire, auctoritate nostra suffulti, cùm id vobis ex vestra non licet, transferendi sedem & fundandi eandem Ecclesiam Episcopo memorato, sublato appellationis obstaculo, concedatis liberam facultatem. Datum Laterani VIII. Kalend. Aprilis, Pont. nostri anno II.

*Epiſt. 8.  
Vr. curam &  
instauracionem  
Cenetenis Ec-  
clesie auctorita-  
tate apostolica  
ficiant.*